



**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Titulus IV. De Fontibus hodierni Juris Canonici.

[urn:nbn:de:hbz:466:1-74413](#)

Irregularitatibus ex delicto, cum de illis loquatur in Lib. I. de ipsis in Lib. V. Sejungit etiam Personas à Personis, cum de Clericis agat in Lib. II. de Regularibus in Lib. III. & de Laicis Conjugatis, vel non, in Lib. IV. sejungit quoque Judicia à Judicis, agens de Civilibus in Lib. II. de Criminalibus in V.

Res de quibus Jus Canonicum, sunt vel *merè Spirituales*, quales sunt 1. *virtutes*, five Theologales, five Cardinales, de quibus sparsim in Jure isto. 2. *Sacramenta*, de quibus GRATIANUS in variis locis Prima Partis, in quibus de Ordinatione, in fine Secundæ, ubi de Matrimonio & de Penitentia, & in tota Tertiâ, ubi de Baptismo, Confirmatione & Eucharistiâ; GREGORIUS verò IX. in III. & in IV. 3. *Vota* de quibus GRATIANUS variis in locis Secundæ Partis: GREGORIUS IX. versus finem III. & initio IV. DECRET. 4. *Officia Divina*, de quibus GRATIANUS in Primâ & Tertiâ Parte: GREGORIUS verò IX. in III. 5. *Ecclesiastum, Altariumque consecrationes*, de quibus GRATIANUS in Tertiâ Parte. DIST. I. GREGORIUS verò IX. versus finem III. Lib.

Vel sunt *merè Corporales*, quales *Decima, Oblationes, Primitiae, Cenüs, Procurationes, Exactiones, Agri, Loca Deo dicata*, aliaque similia, de quibus GRATIANUS variis in locis Secundæ Partis: GREGORIUS verò in III. Lib.

Vel sunt *Mixtæ*, quales sunt omnes *res Spirituales, quibus Temporales anneduntur, vel è contraria inter alias ex una parte, est jus Temporalis percipiendi, ex Spiritualibus, quæ obeuntur, Muneribus, quale est in omnibus Beneficiis: ex aliâ verò, jus obeundi Munus Spirituale ex possessione rei temporalis, quale reperitur in Patrono Laico, quod est spirituale ad Beneficia præsentandi jus, proveniens ex possessione feudi, agri, vel hæreditatis, qualibuscumque bonis componatur.*

De ipsis autem rebus mixtis GRATIANUS passim in Secundâ Parte; GREGORIUS verò IX. in I. sed præcipue in III. cuius majorem partem res illæ occupant.

Ex citatione locorum, in quibus tunc GRATIANUS tunc GREGORIUS IX. tractant de rebus, que Secundam Juris Canonici Partem componunt, satis intelligit. Lector, cur neutrius ordinem sequamur, sparsas enim hic illuc, tunc apud GRATIANUM tunc apud GREGORIUS IX. animadvertis, idèoque eum frustâ moneremus de eo quod, quem legit, ordinem, illorum ordinis præferamus.

Judicia, quibus Tertia Juris Canonici Pars constat, sunt vel *Civilia*, vel *Criminalia*, de Utrisque permixtim agit GRATIANUS in Secundâ Parte: GREGORIUS IX. non feriatim de illis tractat, et si seorsum de illis ut plurimum loquatur; nam postquam medio, fineque Lib. I. de quibusdam, quæ ad Judicia, tunc Civilia quâm Criminalia pertinent, ex professo tractat de Civilibus in Lib. II. atque ad id unum illum destinat; plura tamen habet, quæ ad utraque spectant; de Criminalibus verò loquitur in Lib. V. totumque ad id, uno aut altero excepto Titulo, illum impedit: tractat etiam, sed obiter de utrísque in IV. LIBRO ubi de Matrimonio, circâ quod civiliter & criminaliter agi potest in foro Ecclesiastico.

Propter allatam bis rationem, quæ hic recurrat, quamque repetere piget, dum de Judiciis agemus nec GRATIANI nec GREGORII IX. ordinem sequemur; jungemus siquidem quæcumque circâ illa dicenda erunt, nec tamen permiscebimus, quæ Civilibus propria erunt cum iis, quæ Criminalibus peculiaria sunt.

Tres autem Juris Canonici Partes, ad unam reduci possunt, nempe vel ad Personas, quarum sunt *Judicia & Res*, cum illæ vel judicent vel judicentur, res ab illis possideantur, & administrentur, LANCELOT TIT. 3. in fine; vel ad Res, cum generali Rerum nomine reliqua comprehendantur, Doujat in *Prænot. Canon. l. 1. cap. 2. n. 1.*

Sunt alia Partes Juris Canonici, de quibus hic tractari posset, quæque illi convenient ratione formæ, sicut alia, de quibus dictum est, illi convenient ratione materia: Istæ autem Partes sunt quinque modi

quibus conduntur Leges Ecclesiæ, & de quibus egimus, dum de causâ formaliter tractavimus, nempe Canones, five breviores Regulae aliquid præcipientes, vel prohibentes, Constitutiones, *Rescripta Pontificum, Scripta Patrum, & Confuetudines*, quibus omnibus addi possent Generales Regulae ex universo Jure desumpta, quibus formarunt Decisiones suas juris Canonici Authores; sed de his fusius erit agendum tanquam de præcipuis Juris Canonici elementis, postquam Partium, de quibus haec tenus in hoc Titulo fontes digito indicaverimus, verbaque, quæ in Jure Canonico usurpari solent, breviter explicaverimus, insimulque illa, quæ scienda sunt circa dicta SS. PATRUM in illo frequentissimè collecta.

TITULUS. IV.

De Fontibus hodierni JURIS CANONICI.

AM dictum est, Jus Canonicum considerari posse quoad materiam, vel quoad formam: Utroque modo consideratum suos habet fontes cognitu necessarios. Distinguimus autem hic Jus Hodiernum Canonicum à Primitivo, quia istud constabat tantum Canonibus, Decretive Conciliorum, eique plura alia accesserunt, quibus etiam coalescit Jus Hodiernum: præterea primitivi Juris alias ordo seu forma quam Hodierni; in illo etenim solus ordo Temporum servabatur: in Hodierno verò servatur etiam ordo materiarum: Sunt quoque alia distinctiones inter utrumque, quas notare necessitatem est; Nam vetustissimæ Collectiones Canonum, alias non habuere, ex quibus derivari potuerint, five in illis servatus fuerit ordo Temporis, five ordo Materiarum; alia verò habuerunt, indeque istæ habere potuerent fontes, quoad formam, illæ verò non potuerent, primum in unoquoque genere cæterorum exemplar est: Hodiernum Jus ex omnibus anterioribus Collectionibus conflatum est: cæteræ ergo illius fontes sunt; idèoque investigandum, qui sint illi fontes, ut iis cognitis, quæ illud spectant: pleniùs cognoscantur.

His præmissis asserendum, 1. *Fontes Hodierni Juris* considerari quoad materiam, non alios esse, quam *Scripturam Sacram, Concilia, Summorum Pontificum Rescripta, Constitutionesque, Patrum Opera, necnon aliorum Scriptorum Ecclesiasticorum, Episcoporum Statuta, five in Synodis suis, five extrâ condita, Leges Seculares & Confuetudines.*

Scriptura sacra, Juris est fons quoad Fidem & Mores, & quoad necessitatem, utilitatem, & formam Conciliorum; fit enim mentio in Actibus Apostolorum quatuor Conciliorum ab Apostolis celebratorum & à LABBÆO collectorum initio primi Tomi sua Collectionis, in quorum Primo facta est elecciónis Sancti Matthiae in locum Judea c. 1. huius Lib. Secundum, quod de electione Diaconorum egit. cap. 6. Tertium, quod omnium celebrerrimum, atque Conciliorum Generalium forma fuit, & esse debet, quodque definit Gentes ad Fidem conversas ad servandam Moysis Legem adstringendas non esse, sufficeretque, ut ab immolati Idolis, suffocatis & à fornicatione abstinerent: hujus Concilii historia refertur cap. 15. Att. Quartum desumitur è cap. 21. ejusdem Libri & in eo declaratum dicitur, licitum esse Judeis convertis, ut cum Fide & Sacramentis novi Testamenti, etiam Circumcisione & aliis Cærimonias & Sacrificiis Veteris Testamenti, quandiu Templum & Sacrificia Legis in Jerusalem stabant; idque, ut Synagoga cum honore sepeliretur. Cætera vides apud LABBÆUM loco citato, ubi etiam de aliis duabus Synodis Apostolorum, de quibus nihil certum habemus. Hæc obiter de Conciliis hujusmodi, de quibus fusius, datâ occasione, locuturi sumus, præsertim de Tertio.

Post Scripturam Sacram, præcipius hodierni Juris Canonici fons sunt Concilia Generalia, de quibus seorsim & fusè infra agetur; horum enim Definitiones, quoad Fidem & Mores, censentur ejusdem autoritatis ac ea,

quæ

quæ quoad hoc habentur in Scriptura. Concilia Particularia numero longè superiora, at autoritate inferiora, in numeros subministrant Canones, undè fons uberior Juris Hodierni. Idem dicendum, quoad abundantiam, de Rescriptis Pontificum. De ceteris fontibus, pauciores licet, plurimi tamen Canones hausti sunt: de singulis sermo erit prout poscit illorum dignitas, utilitasque; quo loco, quo ordine, quomodo indicabit Index Titulorum. Hæc paucis, de Fontibus Juris Canonici Hodierni quoad materiam.

Afferendum 2. *Fontes illius Juris quod formam tot esse quot sunt Collectiones Canonum anteriores illi, quæ vocari solet Corpus Juris Canonici, incipiendo à Collectione Canonum APOSTOLORUM, de quâ fusæ in Conjecturis circa illorum originem, illorumque Collationem, cum Canonibus Conciliorum quatuor priorum Sæculorum usque ad Collectionem IVONIS CARNOTENSIS, quæ immediatè præcessit Collectionem GRATIANI hujus Corporis Primam. Præcipue sunt Codex Ecclesiæ Universæ à JUSTELLO editus; Codex duplex DIONYSII EXIGUI, quorum alter continet Canonos Conciliorum quinque Priorum Sæculorum, alter Decreta Pontificum eorumdem Sæculorum; Codex Africana Ecclesiæ; Codex Ecclesiæ Romane à QUESNELLO editus; Collectio MARTINI BRACCARENsis; Collectio ISIDORI tam falsi, quam veri; Capitularia REGUM FRANCORUM; Collectio REGINONIS; Collectio BURCHARDI Episcopi Wormatiensis. Collectiones quinque Decretalium quibus refutis, constat Collectio GREGORII IX.*

De his omnibus, aliusque alicuius nominis, agetur in Comparatione Collectionum, quæ in Corpore Juris Hodierni continentur inter se, & cum Collectionibus aliis, tam Orientalibus, quam Occidentalibus; in quâ conferetur etiam Corpus Juris Ecclesiæ Græcæ à BEVEREGIO editum, cum Corpore Juris Ecclesiæ Latinae. De Codice Ecclesiæ Africane nonnihil dabitur, ob affinitatem Disciplinæ Ecclesiæ Gallicanæ cum Disciplinâ illius Ecclesiæ.

TITULUS V.

Regula circa SANCTORUM PATRUM SCRIPTA è Jure Canonico collectæ.

Complices Ecclesiæ Leges ex SANCTIS PATRIBUS desumptæ sunt, ac etiam desunt possunt. Videendum est, quid circa SANCTORUM PATRUM Scripta Canon doceat, & inter alia, 1. An aliquorum Doctorum Scripta exp̄s̄e approbat, & quorum? 2. An Aliorum Scripta confusè tantum probet, & quorum? 3. Quam autoritatem Scriptis Patrum tribuat; 4. An aliquem eorum alii praferat? 5. An Summos Pontifices inter Sanctos Patres collocet? 6. An Patrum loca inter Canones relata vim suam à Canone habeant?

Hinc enim patebit non solum, quanti faciendi sint Patres, sed etiam quo jure Ecclesiæ Leges ex eorum Scriptis desumuntur: quod utrumque nosse multum refert.

§. I.

An Canon aliquorum Scripta Doctorum exp̄s̄e approbat, & quorum?

REGULA PRIMA.

Non paucorum Scripta Doctorum Canon exp̄s̄e approbat. Patebit Regula ex sequenti, in quâ Doctores isti enumerabuntur.

REGULA SECUNDA.

Non aliorum Scripta exp̄s̄e probat Canon, quam istorum.

1. Beati CYPRIANI Martyris & Carthaginensis Episcopi; 2. Beati ATHANASII Alexandrini Epis-

copi. 3. Beati GREGORII Nazianzeni Episcopi. 4. Beati BASILII Cappadocie Episcopi. 5. Beati JOANNIS Constantinopolitanus Episcopi. 6. HILARIUS Pictaviensis Episcopi. 7. Beati AUGUSTINI Hippomenis Episcopi. 8. Beati AMBROSI Mediolanensis Episcopi. 9. Beati HIERONYMI Presbyteri. 10. PROSPERI Viri Religiosissimi. 11. Epistolam Beati LEONIS ad FLAVIANUM Constantinopolitanum Episcopum destinatam, cuius textum aut unum iota, si quisquam idiota disputaverit, & non eam in omnibus venerabiliter acceperit, Anathema sit. 12. RUFINI & ORIGINIS que Beatus Hieronymus non repudiat. 13. OROSII Viri eruditissimi. 14. Venerabilis Viri SEDULII. 15. VINCENTII. 16. EUSEBII Cesariensis cum quâdām restrictione. 17. BEATI CYRILLI opera à Quinto Concilio Generali recepta. 18. Sandi ISIDORI.

Nota circa citatum DIST. XV. Canonem, 1. ex illo patere Quinto Sæculo, quo vivebat GELASIUS è quo desumptus est, Sanctorum Beatorum nomine donari consuevit. 2. Doctores, quorum Scripta probabant à n. 2. ad 9. inclusivè esse eos, qui Ecclesiæ Patres præcipue appellantur, quorum quatuor priores ad Ecclesiam Græcam, five Orientalem, quatuor verò sequentes ad Latinam five Occidentalem pertinent.

3. Ex hac fortè approbatione à GELASIO his Doctribus conjunctim datâ, totque Sæculis probatâ, sicut ex eorum merito tales illis honorem tributum esse, ut pre aliis Ecclesiæ Patres vocentur; hinc etiam factum, ut Latinorum Patrum Festa sub duplicitate officio celebrentur. c. 1. de Reliquiis &c. in VI.

4. Horum octo Doctorum Opera ab Hereticis, qui quatuor priorum Sæculorum Doctrinam admittunt, esse recipienda, cum ad quartum Sæculum maxime pertineant.

5. Variantes Lectiones circa hunc Canonem notatas etiam à Correctoribus Romanis, quæ tot & tales sunt, ut Originale vix distingui possit, juxta VAN ESPEN in illum, non respicere Opera prædictorum Patrum.

§. II.

An aliquorum Scripta Doctorum confusè tantum probet JUS CANONICUM, & quorum?

REGULA PRIMA.

Non uno in loco plurimorum Scripta Doctorum confusè tantum probat Jus Canonicum.

Patebit ex sequenti, ubi Doctores illi in genere recensebuntur, Jurisque loca, quæ illorum Scripta generatim probant, citabuntur.

REGULA SECUNDA.

Non aliorum Scripta Doctorum in Jure Canonico confusè tantum probantur, quam istorum.

1. Omnim Patrum Orthodoxorum, qui in nullo à Sancta Romana Ecclesiæ consortio deviaverunt, nec ab ejus fidelis Prædicatione sejuncti sunt, sed communionis ipsius, gratiæ Dei, usque ad ultimum diem vitæ sua participes fuerunt. c. 3. DIST. XV. §. item opus & tractatus.

2. Omnim, quos B. Hieronymus partim approbat, dum in aliquibus tantum reprehendit. ibid. §. item Rufinus.

3. Omnim, quos Veneranda quinque priora Concilia venerantur: c. 2. E. D. ex Sancto Gregorio Papa.

4. Omnim Sanctorum Doctorum, Hieronymo, Augustino & Isidoro similium c. 1. DIST. XX.

Hæc autem approbatio Generalis restringenda ad res, de quibus loquuntur Canones à quibus datur; verba enim juxta subjectam materiam interpretanda sunt. Pontifici-